

**Nwa' wvu bokaŋ bofεε wvù Baul to  
saŋεε ê kentaashε ke  
Tesalonika  
Fiεε fi nu ê Nwa' wvu Tesalonika  
wvu bokaŋ bofεε wvun e**

No Baul to cim saŋεε ŋwa' wvu fwe fô bonyii bo mbee le bo Tesalonika le εkumε le bó ecεyte yî nyεkeey e, kefew kè Jisos nu ke ekase eto le, ε bvufee mεy ke no bvuuŋke bó yî saaka wvudvu le. E Baul mum saŋ ŋwa' wvu bokaŋ bofεε wvun keejeme εkumε no bonyii to kpwaake wase le diuu di nto Tata le didvu nu ε jo wase bvudvuu. Wvú to nu ε nele ŋkpawcε wvun duŋcε le é nto Klistu se jo bvudvuu nu ε kebefε bô mwεem mvu buwyεen nu ke eduu efesen lo.

*Bikuu bi mwεem e ê ŋwa' wvun*

1:1-2 Keŋkεwε

1:3-12 E Baul bense bvuu tom kentaashε ke bonyii bo mbee le

2:1-17 Ntefe εkumε nto Klistu

3:1-15 Ntefe εkumε nce wvu bonyii bò è nu bo Klistu le

3:16-18 Kemεse

<sup>1</sup> E nu me wvù Baul, ε me nu bee Silas noo Timatio. Me nsaanke ŋwa' wvun fô kentaashε ke bonyii bo mbee le ke Tesalonika le kè nu ε taashε ε no nu yî Nyo' Icee wesebeene bô Tata Jisos Klistu le.

<sup>2</sup> Nyo' Icee wesebeene bô Tata Jisos Klistu ebwu ben bô kembonɛn ebvuu enya ben bô nyεkeey.

*Ngεw bô mmawcε wvù nu ke enu kefew kè Klistu nu ke ekase eto le*

<sup>3</sup> Boom bo bwee wese le, bese keηke keenyaa keyoone ê Nyo' sekecii εkumε ben. ε fî nu leη nonɛn, ηjefo mbee wene kuu ke gene lo fwe fwe, ε keηkoηɛn kè wee mwaanη mwaanη keηke fô wee noo wee le gene ke lo tɛn fwe fwe.

<sup>4</sup> Nonɛn, bese kebεε ké no saale ye bô ben ê bintaashε bi bonyii bo mbee le bi Nyo' le bimew e. Bese ké no saale εkumε no ben leeme tɛmyi bô εkumε no bonyii bone bikaa ê ben ejim ε ben jici ke mbee wene le, noo εkumε bonjεw bô ben yene kuule ke shém e.

<sup>5</sup> Fifi nu fiεε fî duηci le Nyo' nu ke esaw bonyii ê je yi teytey e, wvu le ben ke enu ε ben ε kocɛn bonyii bo bvunfon bvù Nyo' le bvù ben yene bonjεw ban nje bvù le.

<sup>6</sup> No Nyo' nu wee wvu teytey, wvù nu ke etfuse naa ηjεw wvù bonyii nyaa ê ben bô ηjεw,

<sup>7</sup> enya nλεtɛn ê ben bô yene ηjεw noo ê bese tɛn. Fifi nu ke ekooy seke Tata Jisos nu ke ebuynɛn fowe etoo ê leme di ηguy e di saasaa le. Wvù nu ke etoo nonɛn bô bonceendaa bew bô tɛmyi.

<sup>8</sup> Wvù nu ke etfuse envukε ê bonyii bô maa lo Nyo' noo bô baa bee saaka wvù jee wvu εkumε Tata Jisos e ke.

9 Bó nu ke elése bó é bó ekeŋke ηγεω wvù mey lo, é bó egawsen bó bô bo Tata fo bó eto fwe dvu wvú noo fô bvukuke bwew bvü baay e.

10 Fifin nu ke ekooy εbvubwe bvü wvú nu ke eto wvu le bonyii bô è nu bew etumte monkum mew, é bonyii bocii bô nu ε lese fitele yî ye le ekeŋke lo ηghaw bô wvú. E ben ten nu ke enu bó le njefo ben to nu ε bee saaka we wvù bese to jemyεε é ben e.

11 E neε fiεε fi bese bunlee ke fô ben e sekecii le Nyo' wese ege é ben enù ε ben ε kocen kfuu bonyii bô wvú teŋe le ben enù le. Bese bunlee ten le wvú efi ben yî mvunɣay mwew e, é ben ege fiεε fi jee ficii fi ben shieele noo lemme dicii di ben gee nje fitele fi ben nu ε lese yî Klistu le.

12 Bese bunlee ten nonen wvu le diee di Tata wesebeene wvù Jisos e, ekeŋkè mbense é ben enteleŋ, ε ben ten keŋke mbense yî ye le. Fifin nu nje fitele fi jee fi Nyo' wesebeene bó Tata Jisos Klistu keŋke fô ben e.

## 2

### *Ekume wee we wvù ηgoyte nci Nyo'*

1 Boom bo bwee wese le, fi ekume nto Tata wesebeene wvù Jisos Klistu bô no beene nu ke etaashe keegen enu beene ε bó, nu ε me nleke le,

2 fo ben ke enε é bvufee emum ebvun ke lo ben nen ncεw, \* keνεε enε emum etuwtene le ben nu ε yuw njeme mvu le wvú nen'yi fô Keyoy ke Yuule le, keνεε le bese nu ε jeme, keνεε le bese nu ε san ηwa' le diuu di nto Tata le nu ε to wase ke.

---

1:11 1Tes 1:2-3; 5:24    2:1 1Tes 4:15-17; 5:1-2    2:2 2:15    \* 2:2  
Keνεε le, "... esεε é bvufee ebvun ben,"

<sup>3</sup> Fo ben ecine é wee ke elεε ben ε è cim nu naa ê je yì nεε le κε. Ben ekeè le κε diuu di nto Tata le didvu nu ke ekocεn σε kefew kiε kè bonyii nu ke enε ebewci bô bo Nyo' ε yaw wase ε to, noo σε wee wε wvù ηgoyte nci Nyo' ε buynεn ten κε. Ε è nu wvú wvù bó nu ke elεse lo.

<sup>4</sup> Ε nu wvú wvù nu ke ebense εkolε kew emum ekicine lo fiεε ficii fi bó teηε le nyo' kenεε fi bó bunlee fi. Nonεn, emum eγεν eley eshii yew ncese Nyo' le emum eteηε εkolε kew le è nu wen Nyo'.

<sup>5</sup> Κε ben kumyi le seke me nto nu beene, nu ε me nto nsee fiεε fin ê ben?

<sup>6</sup> Ben kee wase keseen fiεε fi jici wvú le wvu le wvú ke ebuynεn κε wase ε è nu ê kefew kè bó nu ε ηγεε ê wvú le.

<sup>7</sup> Ben ekeè le mvunγay mwew mvù wvú ηgoyte nci Nyo' dvú lemte wase keseen εjim εjim, ε è nu κε le wee wvù baanke mvú nu ke ebaanke κε nonεn eγεν ebuy seke bó ke ecake wvú ê je.

<sup>8</sup> Bó nu ke dioo ε cake, é wee wvù ηgoyte nci Nyo' wε emum ebuynεn, é Tata Jisos emum efεfe lo wvú bô keyoy ke ê wvú εmvu, efiwse lo bô nlawken wvù wvú nu ke etoo dvú.

<sup>9</sup> Wee wvudvu wvù ηgoyte nci nu ke etoo ê mvunγay mvu Satan e, κεηke mvunγay mvunciim, gee mwεεm mvù dunçi mvunγay mwew bô mwεεm mvu diuw wvù yumεεn e mvù è nu mvu kenλεμα le mvunciim.

<sup>10</sup> Ε wvú nu ke etoo ten bô kfuu mwεεm mvù befe mvunciim keelεεle bonyii bò laa wase dvú. Ε bó laa njefo bó nu ε fan keekoηke keceey wvu le bó

---

**2:3** 1Tim 4:1; 1Jon 2:18

**2:4** Esek 28:2; Dan 11:36; Mwm 13:5-6

**2:8** Yεsa 11:4; Mwm 19:15

**2:9** Mat 24:24; Mwm 13:11-13

ke eboy.

<sup>11</sup> No bó baa koonke keceey nonen, Nyo' ε mum ε ge bó ε no looci jeenje lo wvu le bó ebeje ke wase ε ε nu fiε fi nu fi mbiay e.

<sup>12</sup> E Nyo' to ge nonen wvu le wen ke elese bó bocii yî ηgew e bò baa bee keceey e, yuuke njon kegee mwεem ε ε nu ke mvù yaa nu ke teyey e.

### *Nyo' to caw ben keeboyse ben*

<sup>13</sup> Geen boom bo bwee wese le bò Tata koonke naa ntay, bese keηke ke keenyaa keyoone ê Nyo' sekecii ekumε ben, njefo Nyo' to nu ε caw wase ben fonkew keeke eboyse ben fele yî lemme di Keyoy ke Yuule gee le ben eyuule le, hô yî mbee wvù ben nu ε bee keceey e.

<sup>14</sup> Wvù to teje ben yî fifin e fele yî saaka wvù jee wvù bese to fewci le, wvu le ben ke ekeηke fô bvukuke bvù Tata wesebeene wvù Jisos Klistu le.

<sup>15</sup> Nonen boom bo bwee wese le, ben eleemè temyi, jicì nce wvù bese to nyaε ê ben e, keηε ε nu wvù bese to yeeyεε lo ben dvù hô diuw, keηε ε nu wvù bese to saηεε lo ê ben.

<sup>16</sup> Bese leke le Tata wesebeene wvù Jisos Klistu keβεε noo Nyo' Icee wesebeene wvù to konεε beene no leεse shém yesebeene sekecii se ηka, ebvuu enya beene hô fiεε fi jee fi beene taale fwe yî dvù le nje fitele fiew fi jee.

<sup>17</sup> Wvù eyvuwε mvuntelem mvunen, ege é mvù etemyi yî lemme di jee le dicii di ben gee hô yî fiεε ficii fi ben jemyi le.

### 3

*Ɛ Baul lεkε lε bonyii bo mbee le ebunleè fô bowen e*

<sup>1</sup> Keemεese, boom bo bwee wese le, ben ebunleè tεn fô bese le. Ben ebunleè lε diεw Tata elewtè gene lo fwe ε bonyii wvumte diεw yidvu kε no ben to geε.

<sup>2</sup> Ben ebunleè tεn lε bese ke eboy can bonyii bò kεηke mvuntelem mvù befe gee mwεεm mvù befe le, njefo kε è nu bonyii bocii bò kεηke mbee kε.

<sup>3</sup> Geenεn Tata ké no leeme kε yî diεw ye le. Wvú nu ke enya ben bô mvuηgay, ebvuu egemgeme ben fo ben ke eley can wee kebefε le.

<sup>4</sup> Bese nu ε gee bvufee bvusese yî Tata le ekumε ben lε ben gee wase fiεε fi bese gayte, ε ben nu ke emεy kε egee.

<sup>5</sup> Bese lεke lε Tata eleke mvuntelem mvuηεn é mvù enu yî kεηkεηεn kè ke Nyo' le ebvuu ege é ben ekuulè shém no Klistu to kule.

*Wee kεηke keelemte se diee*

<sup>6</sup> Boom bo bwee wese le, bese gayte lo ê ben ê diee di Tata wesebeene wvù Jisos Klistu le lε, ben enjεmkεsè ye ben ε boom bo bwee wesebeene le bò laame kε lo yaa cee kε bii nce wvù bese to duηcεε ê ben e kε.

<sup>7</sup> Me njemyi nεn, njefo ben keβεε kee no ben kεηke keebenεne bese. Kε bese to ké no laame seke bese to nu beene kε.

---

**3:1** Lem 2:4; Lum 15:30; 1Tes 5:25      **3:3** 1Kol 10:13; 1Jon 5:18

**3:4** 1Kol 4:16; Gal 5:10      **3:6** 3:12; 1Tes 5:14

<sup>8</sup> Kε bese to diee fiεε fi wee le se bese ε law κε. Bese to lemte jimtene εntaη bô εmvunsheen wvu le fo bese ke egεε bvujite yî wee mvu ben e κε.

<sup>9</sup> Kε bese to gee nonεn le κε è nu bvudvuu bvusεse keebiite mwεεm ê ben κε. Ε to nu wvu le bese edunçi yî gee disese le wvu le ben ebenenè bese.

<sup>10</sup> Ben ekeè le naa seke bese to nu beene nu ε bese to nya nci wvun ê ben le, “Ε wee nu le κε wen nu elemtè, fo bó enya wvú bô fiεε fidien κε.”

<sup>11</sup> Me njemyi nεn njefo bese yuuke le ben bomew shee laame κε lo yaa lemte κε, lene κε lo leese dew fô mwεεm mvu bonyii bomew e.

<sup>12</sup> Boba bonyii nu ε bese gayte bvuu ciise lo ê bó ê diee di Tata Jisos Klistu le le bó eshii fokuse elemtè keekεηke fiεε fi bó edieè.

<sup>13</sup> Fô ben e, boom bo bwee wese le, fo ben ke ewle keegeε gee di jee κε.

<sup>14</sup> Ε wee tun keeyuw fiεε fi bese jemyi ê ηwa' wvun e, é ben ciise wvú. Fo ben ebvuu ekεηke lo fiεε keege bô wvuεε wee κε, wvu le wvú ewuumεn.

<sup>15</sup> Geenεn, fo ben ejod wvú diεwε wee bvuban e κε. Ben etefe lo wvú diεwε waa bwee wene le.

### *Ngayma wvu fokemεse*

<sup>16</sup> Tata wvù nu wvu nyεkeey enyaà ben bô nyεkeey sekeçii ê jé le yicii. Tata enù ben ε bó bocii.

<sup>17</sup> Me wvù Baul nsaanke ηgayma wvun bô kebo kem. Fin nu nciise wεm wvù me ηgee ê boηwa' bem e bocii. Ε è nu no me ηké no nsaanke.

---

**3:8** 1Tes 2:9    **3:9** Lem 18:3; 1Tes 1:6; 1Kol 9:4    **3:10** 1Tes 4:11  
**3:11** 1Tim 5:13    **3:12** Εφε 4:28    **3:13** Gal 6:9    **3:14** 1Kol 5:9,  
11    **3:15** Mat 18:15-17; 1Tes 5:14    **3:16** 2Kol 13:11    **3:17** 1Kol  
16:21

<sup>18</sup> Tata wesebeene wvù Jisos Klistu ebuw ben bocii bô kembonɛn kew é kí enù ben ε bó.



**N'wa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e